

靜
愚
先
生
詩
集
下

冊



靜思先生詩集卷之下

元處士吉水桂林郭鈺彥章著

明國子生八世從孫廷昭編



五言律

春思

迴舟桃葉渡空數落花鈿門閉紫苔兩鳥啼青樹烟
相逢疑夢寐此別隔山川想對銀臺燭猶題錦字牋

中秋與袁方飲田家

今夕是何夕桂花香滿樓金貂換美酒玉笋照清秋
好月偏憐客殊鄉足散愁主翁泛笑罵長判不封侯

秋望

長嘯動巖壑秋風生滿林片雲隨鴈度疎雨約蟬吟
燕馬關山遠吳船歲月深歸來蘇季子何用苦多金

送軍

減袖作戎衣為儒事却非心肝同感激名位却早微
浼浼黃塵合悠悠白旆飛將軍先陷陣奪得紫駟歸

苦雨

雨寒滯茅屋昏曉候春晴歌枕江聲近捲簾雲氣生
花開送過眼麥倒最關情況復轉輸苦邊隅未息兵

雪洞為吳八都刺都事賦

船拓粉窓虛丹青不用塗晴波涵貝闕寒月浸冰壺
旗舞魚驚電燈明龍玩珠紅塵飛不到溪坐按兵符

入城

不見平安報酸風雜鼓鞞雨寒催日短雲黑壓城低
枕席啼痕滿鄉關去路迷將軍多異見誰與慰烝黎

復愁

猛士憑城險四郊今若何終聞一馬獻已費百金多
江雨舟無渡山雲鳥獨過君王不相負諸將且須和

歲除前三日

一歲餘三日還鄉鳥道通論兵無衆寡決勝在英雄

短髮思親白，衰容待酒紅。
出門親舊滿，共訴客囊空。
王志元邀度歲不及赴敬畝以詩

東門問來使，晚歲許相迎。
野樹懸雲氣，江波挾雨聲。
虎飢寒更出，驢瘦滑難行。
好是城南酒燈前，只自傾

除夕

短日如年度，寧知歲又殘。
鄉關一水隔，風雪五更寒。
寄食囊垂罄，更衣帶盡寬。
主人供帳好，獨作太平看

江路

江路雪稜層，囊空伏友朋。
炊煙晨減米，乞火夜分燈。
白鳥踰青嶂，蒼松舞翠藤。
鄉關長在望，歸夢久無憑

憶弟

時危思共濟，謀拙阻相聞。
念母誰無子，持家爾不群。
江煙寒織雨，山鳥暝穿雲。
悵望歸無計，悲啼向夜分

元夕

聖主初臨御，舟車萬里通。
上元開夜禁，樂事與民同。
燈引飛星動，簾樓香霧濛。
誰知今夜月，照我坐書空

和王志元雨晴

客枕愁春雨，漁歌畚晚晴。
殘雲棲樹濕，新水與橋平。
穉子買魚至，主人窺笋生。
酒來即傾倒，何問阻歸程

愁邊

白髮逼人甚愁邊寇未平江山會殺氣草樹作秋聲
誰復思何武人多厭禰衡功名汗馬得儒素足相輕
舟次峽江

江上晚晴好臨行復艤舟雨龍歸大秀水鳥度巴丘
公瑾人中傑子貞方外遊時危論出處吾道莽悠悠

題周瑜廟

雄姿不可見遺廟俯江干簫鼓龍祠近旌麾虎落殘
樹勳先葛亮定霸走曹瞞獨恨三分後無人憶漢宮

早春江行寄周子諒

茅舍一樽酒獨行江上歸風高去鳥疾野迥炊煙微

青青麥苗長娟娟蕨芽肥寄語山中客無為空苦饑

雨夜宿豎圻

倚江茅屋小白髮困淹留燈影搖鄉夢雨聲添客愁
二儀無定位萬國揔援仇誰省驪山事終同草一丘

和郭順則見寄

振衣楚山曉扇外暗飛塵蘇武終還漢楊雄獨羨新
棲烏頭欲白來鴈信非真懷抱向誰訴江鷗或可親

江上

江雲捲飛雨涼意靜書帷兩岸鳥歸盡孤舟客渡遲
物情能自適人事每兼悲不惜買山早黃金何可期

寄歐陽奎文周

長笑對南山浮名不似閒布衣經歲月茅屋寄鄉關
山曉捲簾坐雨涼看竹還今辰是好日把酒桂花間
壬寅正月十三日客退後書

酒送前日盡客又幾人來掃石俯流水煮茶看落梅
為儒生事拙會友好懷開但得情無媿妻孥不用猜

用前韻酬曹彥明

江上一盃酒春風今再來將心托芳樹回首見青梅
沉醉有時醒間愁何日開海翁機未息鷗鳥故相猜

同李主敬贈李將軍修隴西公墓

李侯將家子重拜隴西墳宰樹回元氣豐碑補舊文
子孫長振耀翁仲亦歡忻側想神靈語嗟君用意勤

春雨

日夜雨懸懸問春春可憐好花俱薄命似我自芳年
雲氣低簾外江聲到枕前何時是寒食早已禁厨煙

桂林對雪

高閣延飛雪浮浮天際來亂飄隨地闊急舞逐風迴
寒壓晨煙濕光搖暖氣開四山勢欲合隻桂立崔嵬

登樓

茅屋厭卑濕登樓思不群天邊春色早窗外暮寒分

把酒邀歸鳥捲簾驚宿雲直須借一榻高卧避塵紛
哭吳林鎮撫

幙府十年別煙塵暗楚關全家歸浙右匹馬老兵間
劍術終難試銘旌復不還故人誰在側魂斲萬重山
經周進士聞孫墓

白日下幽谷孤墳宿草荒文章唐進士兒女漢中郎
知己長難遇憐才久不忘浦雲歸樹暝相顧色淒涼

重到

青山山下屋重到最傷神門掩桐陰日池分草色春
雨雲翻覆手石火去來身誤殺空梁燕歸尋舊主人

雨中有懷

山中十日雨滿眼綠陰成園減蜜蜂課樹藏鶯鳥聲
舊遊多掃迹久別每關情肝膽竟誰是淒涼白髮生

遊山觀佛堂和李尚文少府題辭

細雨涼生樹歸雲暝入樓燈懸金粟並香菡翠煙流
秀老詩多好困明醉肯留濯纓吾欲往春浦水如油

十一月廿四日彥克弟忌日因歎成詩

瘞骨荒山道淒涼十六年老兄今白髮慈母久黃泉
世事不如意修途無息肩夢回孤客枕猶自淚涓涓

秋晚

獨坐不知晚捲簾雲正歸門因無客閉事久與心違
墟曲蒼烟合林梢黃葉飛老懷付蕭散行到釣魚磯
九月朔日發家書

黃菊盡開未主翁明日回紅飛霜徑葉翠長雨階苔
病眼隔重霧狂心着冷灰但須壓新酒兼有故人來

寄李子晦

懷刺將安往閉門空自勤山巖宜置我風月每思君
揮翰唾成王飛觴氣吐雲春來林木變鶴唳不曾聞

山館

偈側不敢怨飛騰殊未能野猿時送果山鬼夜吹燈

口腹久為累語言難盡憑白頭方檢束飽肉愧飢鷹

又

貼石支松榻閉門收蠹編故人久不至病客得高眠
松搖晚風怒簾分夜雨懸老禪應可學世故苦相牽
已巳元日次送姪瀾韻

太平應有象王國早生申雲捧虞淵日天開壽域春
千年周鼎重百戰漢兵神側想朝元殿征南獻凱頻

和蕭伯章見寄

王孫文采盛千里入神交負極錦囊在愁來金盞拋
兩迎龍出峽雲護鶴歸巢欲寄相思意梅花霜後梢

黃州有警聞從弟銑已過興國度早晚可抵家
戎馬歷黃州君先理去舟艱難千里遠貧賤一身浮
宿將今誰在親王只自謀長江如失險鄉國足深憂

憶從弟鐸

憶昨王師捷還鄉近五年艱危惟我共俯仰得誰憐
茅屋秋風裏烽煙夕照邊亂離今轉甚思爾只高眠

野宿

誰謂歸田好荒烟暗棘叢邊愁攢戰馬野宿逐征鴻
相偃山涵雨煎茶竹送風讀書成獲落擬學六鈞弓

七言律

寄吳杜徵君

武夷空翠接秋陰古木蕭森石徑深中使又傳丹詔
至山人長對白雲吟松花未掃風過席芝草初耘雨
滿林九曲盡看歸內府君王應許遂初心

送龍光庭赴都

帝城此去八千里馬上題詩記舊遊官酒滿傳鸚鵡
盞宮花飛點鷓鴣裘星回東壁文光動日麗中天王
氣浮禮樂百年多述作才賢深乏應旁求

登空春衛公巖

衛公舊日讀書處獲落孤亭紫翠中野迥虹光分暮

兩天晴木葉響秋風武皇國勢資雄畧牛黨私讐累
至公論定是非誰復在晨鐘空託梵王宮

送胡元禮歸合淝省親

秋風林薄暮蕭騷千里庭闈屬望勞天入秦關開去
棹霜飛楚峽擁征袍每看潘岳閒居好始信張翰歸
去高我亦天涯漂泊久因君愁思滿江皋

和虞學士春興八首

官河春水湧輕濤來往千艘不用篙江浦女遊遺玉
佩瑤池仙降獻金桃鞦韆拔地煙花暝閭闔中天日
月高早歲功名看得意扶搖風力送鴻毛

鳴佩天階委碧莎雪消太液漲晴波玉盤露浥仙人
掌宮錦花添織女梭王子問安回輦近儒臣進講賜
金多明朝引見狒狼使樂府新傳天馬歌

沙苑煙晴首藉肥朝回天馬錦為鞵詞臣會送歸青
瑣進士傳呼換白衣雲氣曉依宮樹近春陰晝護苑
花飛君王又進長生藥萬里樓船海上歸

城上觚稜霧靄迷角聲吹徹鼓聲齊雲生水殿龍常
現月滿官松鶴並棲風俗元存中國舊天文並拱北
辰低倚樓欲問通霄路誰借青雲百尺梯
萬里驅車入帝闕十年棲息一枝安承恩數對麒麟

殿卻老何資龍虎丹金水漲波融雪盡碧桃分蕊到
春闌江南却憶看紅藥紈扇羅衣不識寒

清明烟散柳枝斜宮樹沉沉點白鴉暖霧撲簾成細
雨朔風吹面射飛沙江南最憶王孫草天上催宣宰
相麻十載滄洲孤舊約鹿車何日共還家

柳林笳鼓曉晴饒王子春蒐出近郊雲錦宮袍攢萬
馬鐵絲箭鏃落雙鵬蒲萄壓酒開銀甕野鹿充庖藉
白茅共說送官文采盛不聞舊尹賦旂招

浩蕩天風駕海航忍送兒女問耕桑珠聯魚目知誰
識劍吐龍光不自藏司馬倦遊曾建節買臣歸去密

懷章只今豈是無詞賦材俊中朝少薦揚

送王國琛使君赴福州

閩嶠來迎新太守旌麾遙颺海雲低天書夜下群龍
會露冕春行五馬齊荔子已無中使救綉紋猶作白
衣題竚看到日傳嘉政棠樹春陰滿建溪

賦得越王臺送萬載教司令之官

層臺高與越山齊南斗諸星入地低海氣秋澄鴻鴈
到野煙春合鷓鴣啼官船北走輸珠翠幕府南開振
鼓輦側想到官多暇日登臨長聽玉驄嘶

送萍鄉袁茂才歸縣試吏

玉門關外班司馬抗疏歸來白髮愁絕域功名空老
大少年鄉國自風流花飛細雨朝回馬月滿前川夜
放舟始信封侯馳萬里不如吏隱近滄洲

寄孫仲植文學

秋來最憶孫文學無數黃鷄啄黍肥得酒定邀諸第
飲看萸應少一人歸蒼龍出峽雨先至白馬度江雲
共飛季子獎裘今更少還鄉信使故應稀

寄阮弘濟兼簡楊亨衢少府

舊時文物數江東誰似風流阮嗣宗紅袖醉歌金縷
曲牙旂歸道玉花驄神仙元與塵埃隔賓客多應氣

槩同寄語龍泉揚少府園花不減舊時紅

柬王奎伯仲

我愛王家之二難越羅裁剪春衫寬折花滿簪紫茸
帽寫詩自作烏絲闌玉壺載酒留客醉竹竿把釣携
兒看明朝更約溪南去一樹錦桃花未殘

寄劉淵茂才

字象賢

山館前宵忽夢君紵衣如雪照晴雲門前種菊開三
徑壁上題詩寫八分酒浪紅深傾琥珀劍苔翠澁綉
龍紋多情指畫秦臺近一曲鸞笙月下聞

和虞學士登空春臺

萬家平地擁高臺
窓戶層層近日開
鶴致瓊花迎帝子
龍持貝葉禮如來
雲依老樹秋如畫
峽束飛濤雪作堆
惆悵當年歌舞地
碧桃開落幾千回

題興岡王祠

萬山濃翠湧飛濤
縹緲王宮結構牢
兵衛焜煌連瑣甲
香煙浮動鬱金袍
晨飛脉嶺雲初散
夜舞胎山月正高
仙苑碧桃春自醉
豈容野客薦溪毛

澄虛亭

匹馬江上行且停
蒼松夾道風泠泠
波光倒吞落日白
雲氣下接炊煙青
山僧獨行掃殘葉
水鳥雙飛迴

遠汀主人邀客領
奇勝賦詩把酒澄虛亭

賦鶴骨笛

雲沉碧海莖飛仙
樂府新裁紫玉員
律呂相和依象管
雌雄猶似暖芝田
老蛟夜舞君山月
綵鳳春迷嶰谷烟
想是好奇心獨苦
琵琶昨日購鷓絃

賦文山硯

碧玉秋涵曉露滋
相君十載共襟期
承恩久在文章府
借潤終無軟媚詞
旗舞龍蛇廷對早
詩成珠玉載歸遲
可憐月落空坑夜
無復追隨到鳳池

早秋有懷歐陽文周

日暮獨迴江上舟江波不盡思悠悠虹垂青澗分殘
雨風滿碧梧鳴早秋用世有材須汲引思君為客久
淹留絲樓七夕涼如水知共何人望斗牛

寄揚和吉

不見故人愁我心江山信美倦登臨附書白鶴幾時
到結屋翠微何處尋風撼竹樓憑雨勢雲歸溪樹作
秋陰琅玕細簟涼如水應掃桂花彈素琴

和李茂材牡丹

舊來聲價洛陽高歌舞千金費酒醪霞擁暖紅圍絲
檻日描晴影綉宮袍百年富貴花神醉一曲清平筆

力豪近說開筵追勝事詩成壓倒舊官曹

哭空春義士彭維凱

維凱復袁州遣迎監郡某元帥以下歸視事
守土將某忌其功遂殺之

風折旗竿卧落暉殘兵揮泪脫戎衣徒聞即墨田單
在不見成都鄧艾歸獻凱何時承寵渥爭名自古抱
危機空春元帥還相問近報洪州未解圍

宿七里山

十一月二十二日余始得逸歸值臨江兵至
楚金追斬九十九級軍聲始復大振

寒松霧暗月西頽人語無聲鬼語哀郡國恐聞侯景
詔朝廷初棄戴淵材風傳鼙鼓驚魂戰天入鄉關望
眼開骨肉死生俱未卜泪痕血點滿蒼苔

癸巳元日

屠蘇酒暖破朝寒舊寫桃符忍再看太史未頒周正
朔遺民思覩漢衣冠天邊星斗孤槎遠雪後江山萬
木殘再拜中庭賓旭日共瞻霽色散雲端

二月二十七日聞故鄉寇退

銅駝荆棘換東風消息南州久不通芳草得春煙漲
綠野棠無主雨飄紅瑤戈元帥登壇暇寶玦王孫哭

路窮满眼親朋摠悽惻相逢但索語音同

寄龍子雨

書到山中收泪看出門愁散楚天寬落花春盡休文
瘦細雨更長范叔寒金帶宦情遠俗久綈袍交態見
君難欲為後會知何日酒熟還家得盡歡

贈劉明道

義旗獻凱滿南州君擁兵符控上流隔岸人烟隣虎
穴中江雪浪送龍舟劍鳴秋匣玄霜下馬浴晴波紫
霧浮白羽指揮能事集底須萬里始封侯

秋日還山聞南省消息示從弟銓

南國風高聞好音
隣翁酒熟晚相尋
鴈飛漢苑書來
往竹暗湘江淚
淺淺茅屋輟歸秋
四壁柳營煩費日
千金瘡痍早使能
蘇息獨抱長貧亦
素心

重和荅周聞孫進士兼寄宗瑾

飄零不改舊鄉音
來往空山費獨尋
楚地人煙三戶
在漢家宮闕五雲
深急風亂飈兼葭
雪斜日殘明橘
柚金公瑾雄姿最
英發還鄉何日共
論心

分府同知珪童相公大閱之日天使適至喜而

賦詩奉寄劉賓旭參軍

鼓角緣邊永夜哀
使車忽自海南來
中朝舊法三章

在大將新圖八陣
開玉帳分明傳號
令金臺雜選貯
賢才早看送喜
麒麟殿五色雲中
進壽盃

金絡銀鞍翡翠裘
參軍馬上最風流
相逢把酒青油
幙每憶題詩黃鶴
樓綵鳳啣圖堯殿
曉蒼鷹整翮楚
山秋攀龍早及風
雲會歸換貂蟬尚
黑頭

韜鈴兵衛立參差
軍務初閒且賦詩
健筆有神傾後
輩美名如玉重當
時青雲鶴引朝天
路白羽鷺翻洗
墨池近見元戎再
乘勝憑君多製凱
歌詞

侯印軍符塞紫衢
儒生白髮混泥塗
兜騎竹馬談兵法
地盡桃源入戰圖
復劍舞閒歌激烈
一燈愁絕照

清癯山中薇蕨秋風老心折孤村返哺鳥

和楊繩彥正茂材

伏劍三年去里閭桃源仙客獨安居
雨鳴修竹涼欹枕花落小窓晴
學書誰與捲簾通燕子自須入海掣
鯨魚村園明日君能到一徑蒼苔待剪除

甲午元夕

已無釵釧典村醪兒女炊羹薦野蒿
燈火獨搖元夕夢干戈渾減少年豪
雲韜月色歸天闕雨壓寒聲欺布袍
却憶將軍平寇處崑崙夜度不辭勞

雨中過龍西雨

雲連茅屋樹聲寒舊補貂裘帶盡寬
蕭瑟鄉關愁庾信清明風雨過蘇端
蒼龍波暖開鱗甲黃鳥巢深護羽翰
側想蓬萊雲氣上群仙縹緲控飛鸞

感懷

白髮溪翁斲草根晚炊兒女帶啼痕
斜陽燕語興亡事陰雨鬼號新舊魂
戰伐不聞烽火息誅求惟見簡書存
艱難負米歸無日夜雨青燈夢倚門

晚過山庄

草滿畝田落照斜溪行盡日少人家
自傷直性泛干謁誰在窮途不怨嗟
香火氤氳王子廟旌旗明滅長

官衙主人問客知名姓始肯開門喚煮茶

和楊彥正茂才

故山疊疊是愁端真宰何由剡翠巒客館雨聲燈火
共皇都春色盡圖看花飄金谷彩雲散木落洞庭歸
鴈寒見說携家近仙館紅塵咫尺不相干

南省戰船至吉安喜見官曆

干戈阻絕歲時遷幾向空山卜月圓仍覩帝堯頒玉
曆兼聞楊僕將樓船旌旗日月臨西楚帶礪山河拱
北燕賴有忠良扶社稷願聞籌策早安邊

寄賓旭參軍

經年避地百憂并君獨還鄉少俗情淨洗木瓢分藥
晒新裁紈扇寫詩成半蓬溪雨群鷗散萬壑松風獨
鶴鳴只好閉門度長夏巾車莫遣野人驚

送阮弘濟赴梁使君幕

諸生白髮守章句磊落長材自不群河內已留賢太
守霸陵又起故將軍鐵絲箭鏃鳴秋月銀錯旗竿豎
曉雲文采久為當路重更期馬上立奇勳

贈周原道兼東安子靜將軍

武節遙瞻漢署郎威稜猶帶柏臺霜江通吳楚波濤
息天入燕秦道路長白羽畫揮談虎畧黃旂暮捲護

龍驤空春進士魚文武好是青雲共激昂

寄羅履貞兼柬謝君績

烽火平安月正中思君長倚翠樓東
儒生憂國燈前淚壯士封侯馬上功
半榻松風看草檄一庭花雨坐調弓
謝莊文采江東少青竹題詩想最工

送朱鵬舉照磨赴江西省掾

花外銀鞍鞞紫騮省郎文采自風流
英雄舊摠三千士美譽新傳十一州
山擁空春溪帶甲江通章貢小容舟
晨趨黃閣參籌畫願審安危拓遠謀

白鷺洲晚泊呈天隱兄山長兼柬曹居貞

白鷺洲前春水寬素王宮殿歷蘄湍
風飄墜瓦鴛鴦冷雨暗疎篁翡翠寒
維翰未能穿鉄硯叔孫先已改儒冠
淒涼誦席君仍在晚歲冰霜獨立難

大洲宴集

殺賊歸來心甚歡酒美不辭春夜闌
俯江樓迥月色白緣邊鼓歇烽烟寒
玉驄誰送美人去錦瑟更為將軍彈
慚愧書生飲獨少自剪銀燭題詩看

寄楊和吉龍西雨

江南徐庾知名久文采風流伯仲間
綵筆題詩傳上國畫船分雨過西山
管寧舊向遼東老杜甫新泛巴

道還壞壞戰塵徒旅苦故人應恠鬢毛班

山中

柴門日落鎖秋陰白酒愁來只細斟松下紫苔留虎
跡雨中蒼檜作龍吟漢宮金狄空垂泣秦地桃源不
可尋咫尺山中愁出入何時江上足登臨

別蕭伯章

蕭郎三十文采殊錦霞暖蠹青珊瑚酒來獨對公榮
飲詩成笑遣王奎書黑風捲雲慘飢虎黃葉打頭騎
蹇驢明日山中徑歸去梅花夜月情何如

即事

時監郡納速兒丁改除廣西監憲而省都事
吳八都刺提軍始至

西上官船日報頻倚門收泪問行人潁川太守終難
借細柳將軍始是真木落秋高懸殺氣律回寒谷見
陽春不辭斗粟輸軍府但覓山巖著老身

寄劉賓旭

舊日相逢玉雪姿三年幙府鬢如絲波濤入海屠龍
苦風雨還山買犢遲客到定能頻換酒花開應不廢
題詩只憐瓠劍床頭吼又是隣鷄報曉時

奉和劉士貴

路轉春山畫啓關，玉駝溪繫綠楊間。
延平波浪隻龍吟，遼海風烟獨鶴還。
扇外紅塵送戰鬪，樽前白酒且清閒。
諸孫早歲多文采，憔悴青燈我厚顏。

寒夜思親

老親白髮抱諸孫，寄食偏懷地主恩。
故國山河空灑淚，殘年風雪更消魂。
績麻誰與寒分火，待米長孤暮倚門。
生子不才名位晚，愁來詩句共誰論。

奉寄吳琳子茂鎮撫二首

空春臺前記勝遊，主人與客俱風流。
春穰携酒騎小鉞，夜浮分燭歸南樓。
鴈鴻幾年斷書信，豺虎是處森

戈矛聞君搃戎下，章貢明日相候青門丘。
英雄之姿不易得，慷慨汗馬收奇功。
鮫旗風高捲飛雨，舞劍日落搖晴虹。
官酒春酣百盃綠，檄書夜草雙燭紅。
竚看獻凱報天子，錦衣五馬蓬萊宮。

愁甚

白壁黃金不療饑，王孫携此獨安歸。
四郊烽火山川窄，十月雨寒雷電飛。
豪傑憂時常共濟，功名報主不相違。
臨危進退如無據，青史他年有是非。

殘年

久愁兵氣漲秋林，不謂殘年寇轉深。
溪四野天青烽火

近五更霜白鼓聲沉金張富貴皆非舊管樂人材不
到今江上朱船看漸少捷書未報更關心

和周霽海吳鎮撫詩三首就呈李伯傳明府

老子懸車歸舊隱諸孫戲綵泛晴暉畫圖烟樹松千
尺門徑秋花菊四圍得句欲題青竹滿携琴每候白
雲歸殘年頗覺頭如雪愁滿江空羽檄飛

牛斗秋高劍氣橫幾人馬上取功名扇揮白羽臨風
迫甲鎖黃金射日明賈詡自期能料敵山濤誰謂不
知兵官軍蓄銳何時發久厭城頭鼓角聲

愁來倚劍立蒼茫誰在籌邊策最良捕賊五更唐李
愬揮戈萬衆漢雲長烽煙暝接城樓近鬼火寒穿石
徑荒多少材官鷗羽箭不知何日殪天狼

丁酉元日

城北城南暗戰塵東風吹泪滿衣中秦讐猶待楚三
戶漢將徒封趙四人此會屠蘇濃味薄誰家桃板舊
題新賽神江上情如海且祝平安問老親

風雨舟中作

憔悴江頭路已窮小舟隔岸復相通歸雲亂擁青山
樹飛雨斜穿白浪風遊地數年成老醜累人一飯尚
西東憑誰為息鯨蛟怒容我滄浪作釣翁

感事

荆徐千里混干戈日日君王候凱歌
上相出師三月罷南人待援六年過
未休練卒誅求盡輓脫歸囚反側多
獨拜將壇須國士掄材誰似漢蕭何

道逢八十翁

八十老翁行步奔存亡共訴斷愁魂
千金歌舞隨流水六載干戈棄故園
晚竈燎衣籬竹盡春牛換耒草蓑存
情知青史無名姓短策猶期報國恩

東王志元茂子

親朋亂後長相失伯仲江邊得數過
久客問隣賒酒

易知君隨處賦詩多鳥啼花樹驚殘雨
鷗散柳塘回細波懷抱暫開欲相問
不知佳句近如何

晴曉

最憶山中桂樹林早春無日不登臨
衣冠並集吾廬盛旗鼓俄分將壘沉
山色故鄉青未了鬢毛新歲白相侵
物情自覺傷懷抱野鳥弄晴空好音

和劉淵象賢晚眺

日落孤城疊鼓聲誰家山北復山西
干戈滿地愁相續道路還鄉望轉迷
風度生香花遠近雨團濕翠竹高低
劉郎欲問桃源路紅葉流波好自題

奉同楚金和蒲掾

健兒分隊舞朱干玉帳將軍按劍看笳鼓夜鳴邊月
迥旌旂曉豎野雲寒皇圖不假山河險民俗終同社
稷安早晚虞廷有苗格薰風披拂五絃端

奉和劉賓旭兼東羅履貞

時危南國久連兵幕府才華得合并蔡冠遂煩唐宰
相漢儀猶待魯諸生三邊烽燧晨傳箭千騎弓刀畫
繞營主將策勳朝帝闕泛官應許任公卿

送楊和吉過龍興

十月北風蛟鱷伏樓船安穩出官河交游湖海知誰

在將帥朝廷近若何一水纒通南浦近衆星還拱北
辰多清河元帥煩相問獨釣寒江月滿蓑

奉贈江西省郎中顏希古

江西羽檄日交馳君佐中書策最奇南極星垂天地
正北廷兵合鬼神知君王舊賜馮唐節父老新傳李
愬碑盡剗賊壕歸禹貢更煩深意問瘡痍

客鬻

夕報將軍奏凱歌馬前又見擁琯戈民情共倚金湯
固客鬻惟添霜雪多何日梧桐鳴彩鳳舊時荆棘卧
銅駝無衣無食歲年晚妻子山中如苦何

小除夕
當年臆日還鄉早第勸兄酌何怨嗟腸斷此時同避
地眼穿永夜倍思家鄉闕去鴈渾無信風雨寒燈不
作花最是五更情調苦城南吹角北吹笳

與黃子益將軍

將軍文采舊知名幕府分曹按甲兵雪髯盡龍晴霧
合羽林飛鳥朔風輕趙雲對敵關張並馬援歸朝隴
蜀平憑仗早除狐兔亂吳山楚水共秋澄

大洲晚發

城南桴鼓轉相驚却憶漁舟問水程千頃江波鷗出
沒數家茅屋樹枯榮客行落日凝愁思人隔疎烟聞
笑聲惆悵竹籬沽酒處夜深燈火不勝情

奉東陳君與掾吏

漢室元勳曲逆侯諸孫文采藹南州蔽垣地切星河
冷漠府霜飛草木秋綵筆樽前賦鸚鵡銀鞍花外鞞
驂騑獨憐江海干戈滿願屬安邊第一籌

和酬友人

百年誰肯長拘束每到花時愁悶過金石人間春夢
短玉堂天上月明多歸棲舊燕依林木變化飛魚借
海波逆旅馬周豪氣在憐才深意待常何

奉同順則贈鄒省掾

中朝大將霍嫖姚材傑如君早見招入幕文書金印
大行營笳鼓玉驄驕兵謀合變元多與殺氣憑陵未
盡消好待楚江鯨浪息白雲溪處共歸樵

戊戌元日

戎馬七年猶帶甲客懷元日厭題詩愁來刁斗聲相
續老去屠蘇酒到遲野燒暖回雲際碧江梅寒護雪
殘枝近聞拜相登耆舊郡國朝正莫後期

送李謙道入省叔父

中郎不見十年過千里趨陪意若何骨肉共論青眼

舊形容應換白頭多三關虎旅傳新捷百粵鶯花入
醉歌莫歎他鄉為客久故鄉是處阻干戈

奉和龍西雨自洪見寄

同此韻
首見前

和寄揚和吉一

青樓風月故相干慷慨樽前舞地寬錦綉春明花富
貴琅玕畫靜竹平安杉闕旂鼓元戎勝閩海舟車去
客惟舊日交親應有問一簑煙雨楚江寒

和寄龍長史

扇外風塵素不干湖光遙送酒船寬錦箋傳草春詞
好銀燭燒花夜枕安四海交游空老大百年世事半
悲懽子真谷口溪相憶黃犢無苗風雪寒

和劉參軍

欲剗蛟龍試莫干東南天地洞庭寬鄭虔早被寸名
誤晁錯終期社稷安年老青燈徒自苦時危朱紱為
誰懽直詞照雪慚高誼排悶裁詩泪點寒

和寄歐陽文周

厚祿寸疎不敢干幽棲輟遣客愁寬屋前老樹留雲
宿竹外茅亭向水安書寄鯉魚今始到杯傳鸚鵡不
同懽龍泉舞罷獨長笑宇宙誰知范叔寒

和寄王仲京

暮雲飛盡倚闌干懷抱何時獨好寬天下兵戈愁杜

甫雲間鷄犬憶劉安每傳佳句看君好想對芳樽共
客懽香染越羅春袖薄棟花風起不知寒

和寄送弟鐸

畏途阻絕卜支干夕見鄉書意始寬癡腹於人淺有
累驚魂送此暫相安弟兄相顧三人在風雨還孤一
日懽春色故園付流水白鷗應恠舊盟寒

和寄送弟銓

腐儒憂國泪闌干江海容身何處寬驚報每愁諸弟
隔臨危但祝老親安對床風雨長相憶負米晨昏不
盡懽最苦二郎獨寘漠晚烟原上鵲鴿寒

贈宋經歷

山繞青原百雉城，入關盡說長官清。才賢宜為明時出，政事多資贊畫成。禾黍秋風螟螣息，梧桐朝日鳳凰鳴。晝閒好讀開元紀，節操存心慕廣平。

哭羅達則

大阿出匣捲晴虹，誰宥埋光九地中。萬里携書來上國，一時揮翰動諸公。杜陵避地身將老，宋玉招魂事已空。前輩交游看欲盡，為君彈淚灑秋風。

西雲亭種菊未開，以余歸期逼迫特預賞之。即

席賦

層層種菊繞籬斜，秋色偏歸處士家。擬鑄金錢酬歲月，得依玉樹伴烟霞。清風江上催行李，白髮樽前作按花。貯酒尚須留九日，西風平地岸烏紗。

題分宜縣胡於信釣翁詩卷

嚴光不作漢廷臣，今日聞君亦隱淪。草笠暮歸三峽雨，竹竿晴釣五橋春。長歌鼓枻知音少，滿卷題詩入畫真。馬上行人莫相問，白鷗波暖最相親。

哭蕭叅謀彞翁

南州進士盛才名，幕府叅謀伏老成。筆舌夜搖星斗動，襟懷寒漱雪霜清。平淮碑路慚裴度，象郢魂歸訴

屈平多謝沔陽劉太守為題文誅弔先生

中秋與郭恒飲送弟宅忽聞獬犬陸梁恒驚去

風清月白臨別惘然次日移詩送弟和以寄

懷

兔置雉徑林中邊鴻飛冥冥誰使然欲歸故山弄明月如隔弱水招飛仙蒼生何時各安堵賤子今日嗟倒懸千金不留魯連任銅駝荆棘愁風烟

寄送弟銓

舊廬每愛桂花秋風月涼宵足勸酬盜賊未平身漸老弟兄相望泪空流經年避地魚鱗尾何日還鄉鳥

白頭側想早春佳氣好掌珠初見慰深愁

寄劉玉振茂材

城南燈火連床久獨夜荒村費苦思風雨何時尋舊約江山是處有新詩海棠春暗飄香盡鸚鵡天寒喚客遲明日還鄉須作伴買船沽酒共襟期

柬王志元

收淚看花花轉紅花前心事想君同幽燕車馬送天下吳楚舟航與海通貴賤不應懸趙孟去留終擬報曹公石田秋雨喧鷄鶩早附冥鴻萬里風

貽劉淵

老樹蟠堤抱石危晴雲過雨出溪遲有時歸鳥落山
果無數飛花懸網絲得酒不消為客恨連床長欲與
君期此情最倚相知久莫恠新來懶作詩

和郭順則登五峯仙壇

蒼山遙拱鬱藍天鷄犬雲間盡得仙雨散天歌彌八
極碑磨崑石照千年漁舟隔浦搖春浪茅屋倚山炊
午煙見說隣僧知敬客長廊晝靜共參禪

用王冕韻送解元祿茂材

時危結屋傍崑阿野迳春煙匝翠蘿四海俊賢唐貢
舉百年父老漢謳歌山涵霧雨藏玄豹水會陂塘散

白鷺地僻此時賓客少松陰掃石坐長哦

避地石洞有懷羅處士就東周以立進士

勃敵雙崖立洞門石稜斜闔浪聲喧屋前松長山人
去堂上藤垂石佛存西望鄉關通鳥道舊題歲月滿
苔痕重來又迫干戈苦空憶桃花遍水源

樓居晚對

四山紫翠鬱嵯峨愛此樓居每獨過窓戶晴通雲氣
濕竹松暝挾雨聲多時危耆舊踈來往地僻漁樵共
笑歌對酒暫開懷抱好莫思戎馬近如何

寄楊和吉歐陽文周

黃鵠一飛幾千里高標矯矯離風塵宗元有恨為司
馬郭泰無名與黨人富貴致身何用早是非論事或
難真二君舊日皆知已旅食他鄉莫厭貧

送別送姪淳

愁心長繫晚峯青避地何時馬足停草樹四山區域
小風埃六月鬪醜腥無從灞上慚劉禮始信遼東老
管寧惜別恨無樽酒共臨溪為爾汲清冷

十二月望又自新淦泊桐江時弟銓新歿

遠營鼓角送悲酸十口無歸泪不乾孤鴈哀鳴秋浦
遠慈烏待哺夕暘殘江南戰骨遺民盡天上除書選

將難敢望伊周明至理願聞韓信早登壇

和龍西雨韻寄楊和吉

權門噂沓事無干老去休文任帶寬狡兔經營三窟
苦鷓鴣棲息一枝安漁樵路熟成長往鼓角風高恠
不歡獨有西雲亭上客金錢買酒敵春寒

王進屢承徵會因寄此詩

山陰先生讀書處玄豹落日司崑局落花滿院春寂
寂長松隔水風冷冷有時獨隱烏皮几乘輿自寫黃
庭經座上賓客日應滿不知隻眼為誰青

寄羅伯英

江湧春濤枕上聞殊鄉無伴獨離群始知詩事能窮
我獨喜墩名又屬君風燕入簾梢落絮雨龍歸洞駕
輕雲遙知鄰曲過泛熟每日還家酒半醺

悲龍興

七載奇功一日墮眼看白旆換紅旗支祁不避旌陽
劍絮酒誰澆孺子祠南北選材泛昔異安危任事總
難期可憐千疊西山石留刻何人節義碑

悼已

種竹經年長未齊半枯半死近窓西天風飄鴈隨雲
沒山鬼憑狐當晝啼世亂獨懷徐庶母家貧久累買

新題結廬不用雲溪處門閉惟聞過馬嘶

贈鴈明信賣卜

憶自成都失老嚴一年心事向誰占謀身每信黃裳
吉涉世空嗟白髮添大古圖書含變化後來象數極
窺覘聞君誦易長無倦客散中庭月滿簾

九月兵至桐江館人死李文麟以詩相吊故復
和之二首

江水滔滔流恨長交親十載頓云亡空村烟雨豺狼
滿老圃風霜松菊荒漉酒陶中猶在手招魂楚些惡
成章論交不使逢知己弊帚千金祇自傷

白髮山翁最好文，昨朝盃酒死生分。
可憐耆舊多新鬼，未必臣民負聖君。
鶴語謾傳遼海樹，龍文長想碣山雲。
扶危實藉英雄士，馬上相期早策勳。

對雪懷郭順則

寒壓貂裘曙色微，水村山郭遠涵暉。
瓊田萬鶴凌風舞，玉女千花繞座飛。
勳業平淮碑石在，風流訪戴酒船歸。
想君懷古偏多感，肯使緇塵浣素衣。

旅館懷舊

天涯剪紙賦招魂，寂寞空齋晝掩門。
春燕同來人事改，夜燈相對語音存。
松花滿地間棋局，苔葉經年上石墩。

豈是老懷多感激，百年交誼共誰論。

題邊少府權詩集

君才浩蕩漲溟波，燕趙論交後傑多。
枕上聞鷄先起舞，花前把酒獨長哦。
漢皇不識神仙尉，蘇子偶逢春夢婆。
志士百年名節重，一簑且復卧烟蘿。

暮春顧則宅宴集和羅國芳韻

千尺蒼松鎖翠崑，兩竿初日射晴嵐。
山人結屋溪相對，詞客過門得共談。
酒送餘春盃滿百，月明歸路影成三。
暫時相賞攄懷抱，莫訴邊城野戰酣。

秋日

江上秋風吹布袍滿林敗葉暮蕭騷雲沉鴈信人千里
雨荅蛩聲客二毛汗馬功名知命薄蠹魚文字謬
心勞十年辛苦成何事贏得一貧聲價高

哭邊權少府

新淦邊權尉六合兵亂棄官歸去年始與余
締交甚相親未幾避地渝上適與館人難死

焉

往年把酒楚山秋歎息相逢總白頭梅福吳門聞久
去襴衡江夏為誰留血凝寒碧精靈在氣貫晴虹魑
魅愁鄉國衣冠轉憔悴招魂何處淚空流

曹居貞先生求挽詩 自述墓志

老子懸車尚黑頭中堂進士晉風流延年好待桃千
樹觀化溪知貉一丘墓碣自題成早計儒冠不改配
前脩郎君愛日情如海春滿觥船任拍浮

東羅伯英

唐寅辛卯年間余與伯英俱客桐江上時有
賓送甚盛自兵亂十四年惟予伯英重到不
能不重感焉

大藥霜髭竟不玄白魚無計滿千仙別離歲月落花
雨歌舞樓臺芳草烟世事榮枯分一日人生感慨萃

中年劉郎恨滿玄都觀重到題詩共幾篇
乙巳夏五月茶陵永新兵奄至遂走淦西暑雨
涉旬米薪俱乏旅途苦甚因賦詩示諸同行
白髮遺民真可哀途窮猶望北兵來閩河割據將成
讖將相經綸豈乏材足繭荒山走風雨腹飢深夜吼
春雷主翁清曉催人發又報烽烟逼楚臺

重題禪寂院

六月兵退重到禪寂見諸人留題悉為兵人
所去而余與李文麟二詩獨在因發一笑記
昔有寒士殍於途官為檢覆作作唱云徧身

無他故惟腰間有雪詩二十韻聞者絕倒余
其斯人之徒歟遂賦一首寄李且以示吾極
上人云

詩苦窮人人苦吟偶隨名勝到叢林畫龍點眼先飛
去詠鳳求毛不用尋豪客尚能知李涉奸雄終不棄
陳琳文章得意無今古讓與籠紗照碧岑

丙午元旦晴而復雨憶諸弟俱留于外情見乎

辭

父老新年卜曉晴桃花春色照巖扃洗兵不厭東風
雨戀闕長瞻北極星棠棣有詩空諷詠屠蘇無酒自

清醒揮毫對客書
桃版白髮添多眼
獨青

寄張九成

山館聞君足自娛
賦詩近日與誰俱
樹侵釣石斜傾
蓋雨定游絲小
貫珠客主長年存
醴酒鬼神清
夜捧陰符張不飲而多陰術
溪邊舊約何時到
愁絕天涯一字無

寄宋竹坡

久欲從君借竹看
東風又長碧琅玕
午陰坐久晴雲
落夜漏眠遲
白露溥韭葉連畦
送料理菊花分
送共平安
洞蕭一曲裁新管
石上嗁吹翠袖寒

聞郭怡有詩未及見因賦此以寄恨

一襟老泪點蒼苔
誰信愁腸日九回
豪傑虛名多自誤
弟兄急難竟誰來
橋分溪路桃花落
門閉山房燕語哀
禍福情知相倚伏
浮雲蔽日幾時開

和宋竹坡見寄

聞君近住崆峒下
俗客不來長閉關
得句徧題青竹上
寄書曾到白雲間
微風欹枕茶烟散
晴日捲簾花意閑
舊約許尋湏候我
月明騎鶴過南山

和楊茂才閒居

板橋通迳薜蘿深
濃翠浮衣竹十尋
啼鳥漸馴時近
客歸雲不動
似知心剪苔盤石移
碁局添火香篝續

水沉賦筆惟應滿岳好恨無樽酒與同斟

丁未人日

誤喜新年七日晴黑光盪日更分明陰陽元自相消
長夷夏何能息戰爭高視山河分王氣不知金石載
虛名麴生廢瘡交情絕看徧梅花晚獨行

和楊和吉二首

讀書頭白苦無多自判寸名易滅磨者舊凋零霜後
木世情翻覆雨中荷數家烟火誰聞哭三月鶯花誰
復歌薜荔繞垣茅屋小緣君開運日相過
海棠雨外半含啼病起吟情懶更題足馬看花空老

大還山採藥自幽棲欲尋仙館窺丹鼎曾借漁舟渡
碧溪門巷總非初到日渚蒲汀柳望都迷

三月十六日訪宋竹坡不遇

門巷春陰綠樹遮重來不省是君家雲封山館半簾
雨水泛溪流萬片花王戴風流成故事吳張圖畫動
中華小童報主須留客湯沸銅瓶旋煮茶

和周愷并憶元達詩

元達名浩余同宗又嘗同硯席丙午卒于溧水
一望吳山一斷魂眼枯淚出還吞青雲事業終何
補白首交游不忍言舊館空懷風雨夕新阡遙隔水

雲村謝池春草山陽笛未卜它生得共論

贈戴醫

舊約尋真海上山相逢長有好容顏一池伏火燒丹
熟兩袖晴雲採藥還坐遣呻吟成語笑久拚名利換
清閒頂門欲試金針妙白髮青燈我最頑

和周子愷中秋感懷見寄

樽前舊事逐飄風贏得衰年兩鬢蓬病骨五更秋氣
入佳期千里月光同鄉關高興鱸堪鱠江海脩程燕
避鴻昨夜桂林重對酒看花隻眼霧濛濛

雲屋為龍叔起賦

挂冠歸去雲為屋又似鴻濛未判初竹送清陰隨杖
屨窓涵微潤入圖書聞鷄疑與仙家近放鴈多令舊
客疎何事劃開天宇淨醉攀明月抱清虛

客館書懷

曉鏡形容暮不同控搏人事更匆匆端相舊壘去年
燕斷送殘花昨夜風易播共憐交誼重依劉寧為旅
途窮世情近日皆非舊始悟相逢是夢中

春望

此是戊申洪武間作

飢烏磔磔伴啼鴉倦倚東風兩鬢華避地每如巢幕
燕論交誰辨酒盃蛇雲遮望眼迷芳草雨動離愁怨

落花懷抱一時何處寫甕頭春酒不須賒

谷楊和吉韻

白髮侵尋暮景來掃除無策覆空盃江山每與愁俱到風雨不知花盡開往事謾存元祐迹少年何羨洛陽才惟君於我過從近稚子朝朝掃綠苔

郭尊師至安堂

道人極目立蒼茫歎息紅塵去路長車折秦關投虎口馬窺蜀棧戰羊腸海天鶴送仙書到石洞花分春酒香寄語往來名利客不如學道至安堂

代贈峽江王巡檢

將軍伏節鎮巴丘虎豹深藏山水幽草露洲長朝試馬柳風波細晚迴舟岳飛曾作千夫長李廣終期萬戶侯且訪南鄰讀書客論詩說劍自風流

訪友人別墅

陰森萬木曉蒼茫路轉山腰問草堂池湧慢波萍葉散窓涵細雨橘花香讀書程度輸年少中酒心情厭日長公子飄飄才思濶何妨高詠伴滄浪

劉潤芳馴雉助祭圖

掃葉秋風宰樹寒頓令馴雉識衣冠孝心冥感飛相近禮教今存留獨看人散應同翁仲語地靈長羨子

孫安紅翎驛開圖畫我亦緣君激肺肝

代贈

詔頒大邑縣符新君領除書第一人
聖代祇今更治化大賢於此展經綸
信臣寬厚恩如父黃霸嚴明政
有神氣轉洪鈞生意早棠梨花發滿城春

送李子高遊金陵

吳中八絕冠群材楚楚芳年君
又來得酒醉飛鸚鵡盃題詩先到鳳凰臺
天迴北斗星辰近地盡南郊道路開
信是皇州春色早好將紅杏倚雲栽

送劉叔亮兵後歸清江

風塵荏苒鬢毛班鄉夢無時到故山
去國每憐王粲老携家今見管寧還
松溪先隴寒烟外草滿荒庭夕照間
不用入門多感慨梅花春色破愁顏

送費吉水

時未改縣

五馬遙臨白鷺洲光榮全勝古諸侯
滿城秋雨聞絃誦夾道春風露冕旒
東觀天高鳩鵲並中臺地迥鳳凰遊
歸朝明日承恩早玉筍催班第一流

已酉元日

往事悠悠不足論細看桃板舊題存
青山樹繞千年屋白髮人看五世孫
側注曉容驚破帽屠蘇春色醉

深樽歸雲更是無心者借我長封谷口門
送孔貫道應賢良徵辟就謁孔林

詔下江南選俊良君行千里似還鄉淮河天近魚龍
會闕里春回草樹香一代又論新禮樂千年仍覩舊
宮墻仲舒三策陳王道文獻承家好激昂

和胡濟見寄

雨後溪雲冉冉生夕陽蛛經一絲晴山環老屋杉松
合水滿平田鶯鴨鳴老去客程憑酒力愁邊春色減
詩情文章伯仲吾何及莫恠兒童不識名

和李士周韻

春雲乘雨午橋陰病眼看花負夙心漢水盡堪添綠
酒燕臺何得築黃金手攀楊柳親曾種路出桃源不
易尋畢竟知音眼前少塵埃三尺暗桐琴

寄李亨衢

君住仙壇歸路遙人間塵慮盡冰消微風半脫烏紗
帽明月間吹紫玉簫出水芙蓉鳴翡翠繞墻薜荔護
芭蕉日長應共羅浮客時復松花酒一瓢

贈驛史

筮士何論占甲科獨君於此閱人多海舟夜泊藩臣
至官馬晨嘶天使過微祿暫能淹歲月好音元不阻

山河時來得遇憐才者早振朝衣上禁坡

題安樂何心淳草堂舊隱

草亭亭上舊曾遊窓戶憑高結構牢濃翠入簾春雨
竹亂紅飄席曉風桃功名前輩遺鴻瓜文采諸孫有
鳳毛萬事目前無所與惟應對客醉揮毫

贈金守正

六月松陰坐紫苔得書頓使好懷開離愁百斛如雲
散涼意一襟隨雨來玉筍天清長在望金洲春盡每
思回高懷又作秋風約不限金錢問酒杯

答張九成韻

自信功名骨相寒西風長笑倚闌干醉劉不用携長
鐺育夏惟應著小冠遠寄高吟諧律呂何由並駕接
和鸞楚山歸鳥憐毛羽棲息一枝何處安

贈別宋仲觀

梅花江上雪意殘獨行遠道何當還大江風微五兩
靜虛館日高隻陸閫十載論交傾意氣一朝送別凋
容顏坐歌激烈我何有明日射虎歸南山

和酌宋竹坡韻

寄詩問我山中事性懶家貧一事無春甕酒香梅未
落午窓夢起鳥相呼舊來叔夜交游絕老去文通筆

硯枯鷗社共盟君未棄何須馳志向伊吾

和鼎李潛

世路遭回暮景移老懷無托廢題詩朱顏棄我辭杯
滿青眼看書下筆奇兩暝茶烟侵竹潤春寒香霧出
簾遲地偏每恨交游少何日能來慰所思

和酬黃用泰

思君不見待君吟何許蓬萊聞妙音孫綽遂初先作
賦蘇秦未遇晚多金閒看歸鳥暮雲合欲渡滄江春
水暖惟向層樓窮望眼可能無策剗西岑

和袁寅亮進士見寄

白髮禁春愁柰何當年只合卧烟蘿山中老屋歸來
早扇外飛塵感慨多意薄功名隨夢散交游道誼自
心和兩君文采真連壁枯槁長懷挹楚波

得月樓為陳與京賦

得月樓前春水寬玻璃萬頃接闌干光涵銀漢虹橋
迥影動金波貝闕寒綠酒千鍾人上鶴紫蕭一曲女
乘鸞遙知貳館還相近玉辭清輝好共看

陳贊
劉

和彭允迪見寄

佳句聞君勝舊時珊瑚出海玉交枝十年客路迷陳
迹千里雲山繫所思囊罄黃金難得酒窓添青竹倦

題詩近年轉向世情薄晴日滄江理釣絲

辛亥秋詔舉秀才余以耳聾足躄縣司逼迫非

情因成短句

恭承 丹詔經群材卧病空山百念灰晋代徒聞三
語掾漢廷何待兩生來天闕虎豹應難得雲錦衣裳
不易裁寂寞西山隻鬢雪獨能永夜望三台

和羅養蒙見寄三首

君歸舊隱得安居晝獵南山夜讀書鷄唱窓間舞長
劍馬嘶花外駕輕車每逢二仲回青眼已辨千仙醉
白魚風致飄翛驚坐客相思不見獨踟躇

詞林文物早知名對客揮毫思不群梁震每稱前進
士灞陵誰識舊將軍清談竹下霏晴雪匡坐松陰管
白雲見說主翁歡意洽酒酣長共夜論文

文章早歲愧盧前心死如灰復不然魚目混真非易
識驪珠出海事虛傳飛鳴何敢分鴉鳳枕漱惟應近
石泉幾度打頭風雨惡碧桃紅杏自年年

和黃用泰見別

隻井詞源疏派遠諸孫文采邈難攀芝蘭晴日庭階
外花柳春風杖履間白髮往來愁客路青山歸去掩
柴關却恠溪流離恨滿寒聲永夜響潺湲

石洞道中

天風蕭蕭吹布袍上山下山忘我勞江聲忽隨小橋
轉秋色不讓南山高荒山師米水為碓懸崖取果人
如猱茅簷老翁迎客笑畏途跋涉多賢豪

寄王進士二首

伏覩前鄉貢進士王禮子讓所刻長留天地
文章平間集辱收謬作廁其間心竊愧焉而謾名為

昂因筆寄意

車蓋歸來鬢雪深將來高興托詞林著書谷口雲封
屋吹笛山陽月滿襟千古文章關氣運幾人心力費

光陰間來朗誦長留集尚想西歸問好奇

老去群書逐夢忘青燈白髮夜淒涼平時誰信班生

策落日空懷陸氏在天為國家生俊傑地居臺閣盛

文章鄙夫空谷迹名久不謂人間有郭昂

寄贈皇厓壇劉鍊師壇下溪中出白石如水晶

神仙宮館近青冥紫翠峯巒開盡屏日射水晶江石
白雲封琥珀嶺松青虎司丹鼎知留訣鶴立瑤壇聽
說經相約安期今夕至靈風遙想滿虛櫺

聞桂林牡丹盛開

臺甃重歸剪棘榛穠華自不負芳辰共承桂樹九霄

露已見吾家六代人
膩粉露寒初試曉
醉紅雲暖欲嬌春
遙知賓客多
惟賞誰在題詩
筆有神

寄劉困

自從南國息干戈
江海聞君得意多
騎馬春迴桃葉渡
吹簫夜和竹枝歌
離愁鴈信雲千里
老境漁舟雨一蓑
大藥無資長卧病
東溪何日得重過

哀楊和吉

重到西亭泪自垂
更從何處共襟期
看花馬上春雲散
種柳門前秋雨悲
仙客已聞遺橘井
故侯猶待館羅池
茫茫天壤名長在
賴有灤京百詠詩

病日寄宋時舉

丁丁伐木最關情
病起秋風畏客程
隔霧看花生眼
纈誓天止酒
閉愁城荒村茅屋
白烟起落日楓林紅
葉明青壁丹崖長
在望吟嬾瘦影獨心驚

寄李少府

學仙不向吳門去
百丈詩壇主舊盟
白雪寒添巾下
滿綵雲晴繞筆間
生香分芸草
茅齋小夢入梅花
紙帳清竹下
每聞賓客滿
我來何日酒同傾

壬子八月余病目至十月劇甚因掩半驗明則
右者已盲因自笑戊申歲右耳病聾庚戌右

脚患軟痛今右目又喪於朝家為半丁不求
廢而自廢矣強賦短句寫寄中和及仲簡

自送白髮病侵尋涉世方知憂患淡吹白塵沙頭眯
目求名文字少仄心舊書盡賣惟留劍好酒能賒擬
學琴撈散獨存天所賜送今肆志卧雲林

耒陽郭方中云先世自麻岡分派嘗仕前朝今

遁迹畎畝至徵詩余以同宗渡以同志歌以

贈之

老我還山始學耕鉏犁不辨畝縱橫坐分午餉田烏
狎預卜年登野鳥鳴訓子但求名姓識輸官寧使斗

升羸聞君亦作歸休計好是吾家舊弟兄

癸丑首正

雨絲寒織暮江烟春酒杯淡琥珀鮮盲廢倦題新甲
子醉來謾說舊山川貞元朝士今誰在東郭先生每
自憐藥物酒錢償欲報惟逋詩債到新年

寄周文瞻主事

天柱峯前松十尋聞君結屋最幽溪釣魚溪動雲生
屨放鶴風高秋滿林薤葉篆送兒學寫松花酒待客
同斟愁余白髮長相憶夜雨青燈空苦心

寄宋時舉

解劍贈君意不難，劍光飛射斗牛間。
文章聲價誰能好，風月襟期君最閒。
雲暖鳳和簫管響，雨晴龍護珠還。
崆峒元是神仙境，萬丈丹梯不可攀。

和荅彭中和

羞澁空囊結客難，何人隻壁立談間。
每瞻雲鶴知君到，却羨沙鷗似我閒。
携酒溪山思共往，捲簾風雨又空還。
才名能下陳蕃榻，寧許他人得再攀。

暮春過羅伯源次韻

柳絲烟暖繞溪梁，四望園亭盡向陽。
雨過半篙新水綠，風迴兩袖落花香。
簾通香篆晴光轉，窓隱碁聲晝

漏長。公子閒情最瀟灑，何時杖屨得徜徉。

李竹簡往清江久而不歸因諷以寄

扁舟四月下清江，江水魚沉江路長。
豈是信陵忘魏國，自緣朱邑愛桐鄉。
烟中蒼樹官橋晚，雨外紅蓮水檻涼。
惆悵諸公頻問信，秋風漸次到秋堂。

同王志元賦戴存節秋圃堂

君家舊屋我曾到，秋圃新堂今始聞。
種菊編籬采細雨，携琴移席候晴雲。
無錢陶令懷清節，衣錦韓公樹大勳。
碑記好邀劉處士，細論出處著高文。

諶塘賞菊

繞庭種菊色爛斑想見陶家得此難大白開黃元不
俗淺紅映紫兩相歡微風香動秋容淨清霧叢淺曉
氣寒賴有山翁家釀熟花前子細共君看

和荅坐客

簪花不惜鬢毛班獨惜花前得意難風雨白衣憐客
久江山彩筆奉君懽蛾眉擁雪玉人暖仙掌擎秋金
狄寒是處西風着顏色未應長向故園看

春日有懷彭中和李仲簡

老懷久欲謝青春春到惟添白髮新對酒不辭今日
醉看花却憶去年人自知關羽終歸蜀誰激張儀遠

入秦遙想思鄉情更苦不應連夜夢君頻

和龔彭中和

長向春山數別期春花次第報君知舟迴剡曲緣何
事劍合延平在幾時庭院暖風花氣入池塘微雨鳥
聲低甕頭酒熟邀誰共惆望歸雲獨柱頤

和周子溪

積雨空齋傷客心曉雲初散暮雲陰茶蘼池上香沉
水杜宇烟中愁滿林司馬倦遊勞遠夢休文多病廢
新吟遙知勝地登臨好酒量如今幾淺深

贈醫士劉良孟

移家久住大江隈種德堂溪酒滿杯秋雨一林芝草
長春風千樹杏花開虎收新谷嵩前卧龍捧奇方海
上來嗟我素髭無染法若為携手訪蓬萊

送別陳玉章南遊

文教重看被海涓發船過鼓曉光遲黃茅瘴滿飛南
雪庾嶺梅開到北枝海舶得魚頻貫酒人家見竹遍
題詩好懷更約歸來早花柳東風二月時

二十六日晴過湛塘

布袍稍覺曉寒輕晴色偏饒隻眼明山迳黃泥攢虎
跡寺門蒼樹掛猿聲重來誰與同心膽老去惟思避

姓名枯柳橋西曾識面獨回青眼遠相迎

哭周子諒負外

士林憔悴泣相逢此語緣君意萬重蕙帳秋風鳴老
鶴墨池春水化飛龍遙知臺省文章好不似山林意
味濃重到滄洲洲上路野烟荒草暗行蹤

池上亭

好是君家池上亭繞池芳草亂青青山童種菊開花
迳水鳥窺魚下柳汀詩句有時吟不盡酒盃連日醉
無醒綠陰添得黃鸝語六曲銀屏和淚聽

感寓

車馬門前久絕蹤，柴關長借白雲封。
人情翻覆殊無賴，心事依違遂漸慵。
思怨一時彌子馬，似真千古葉公龍。
春花總被春風誤，老去山中始種松。

問宋竹坡求剪紅羅花

叢叢紅紫錦成窠，春色遙憐滿竹坡。
得酒謾能歌白紵，看花猶愛剪紅羅。
根分后土冰霜晚，潤浥中天雨露多。
好待春回寒谷早，遲君花外共長哦。

丙辰元日

歲日相逢兩丙辰，把盃又屬丙辰人。
形容老醜鄉隣恠，居止踈慵魚鳥親。
竹馬小兒如昨日，梅花老屋羨

長春諸孫催寫桃符板，病眼孤瞳得句新。

介坡詩為郭彥文賦

北山東下勢坡陀，中有高人住介坡。
池浸暖紅花弄影，窓涵濕翠竹成科。
心如鐵石偏能賦，劍倚崆峒祇自歌。
清節百年冰雪苦，重逢徐邈問如何。

挽清江劉中修

奮筆清江迨二劉，奈何垂老入西州。
兒癡竟累張彝死，母老誰為禹錫謀。
風雨魂歸金谷晚，江山恨滿玉關秋。
詞林頓爾成憔悴，目送飛雲隻泪流。

送別歐陽奎訪安龍興兼柬東胡湜

明日開帆過豫章交親滿眼總難忘
舊聞太守尊徐穉今見諸公說鄭莊
雨映紅蓮湖水淨雲連蒼樹楚山長
省郎若到逢胡湜為覓鄉書寄數行

和袁方茂材秋夜宴集

下馬階除問錦幃羅衣花白縷金圍
月明湖水龍吟細雲度吳山鴈到稀
楊柳舞低牙板促木犀香滿羽觴飛
袁郎自是風流客舊約秦臺願不違

奉寄歐陽文周

楚楚才華最憶君春山勝事遠相聞
折花林動飛紅雨洗硯池虛散紫雲到
處能吟詩滿軸逢誰不說思

超群山中舊約應能到定與論文到夜分

聖節

天門曙色曉爐烟宮錦春花簇綵旃
日月龍章居北極雲霄鳳吹奏鈞天
獻桃王母顏如玉承露金人骨欲仙
遙想蓬萊移仗入侍臣應奏白雲篇

五七言排律

挽李心原徵士

時清多士奮道屈哲人嗟伊昔敷文治
如君實國華衣冠傾望族文字擷天葩
薊闕驅車遠吳山倚劍斜諸生親教授
前輩倍籠加鶚表騰烏府薪歌載鹿車

苦心抱冰蘖高興托烟霞老景期如蔗中原亂似麻
漢官思再覩周妻去難遮夜怨雲巢鶴寒啼宰樹鴉
諸公紛誅筆賤子忝通家灑泪桐江上悲風咽暮笳
袁寅亮讀書溪山萬木之中以避暑文瞻為賦

長句因次韻以寄

獨向陰崖結構牢一時文采擅風騷雲間見客疑猶
淺山下人行望始高蒼樹窺巢馴鶴鵲翠藤結蔓挂
猿猱遙知高卧多標致何問長齋代骨毛洗耳未應
徒見許攢眉但恐不容陶山僧進謁多題竹野老相
過或獻桃綿蕞輟陳存故事棘闈嚴備遠周遭鑿平

巖罅安書籍掃集松花釀酒醪醉後賦詩題石壁興
來送客釣江臬蘇門傲睨惟閒笑康樂登臨豈憚勞
雨餘傍松延薜荔晚涼疏水灌蒲萄明朝使者求顏
闔只以此山中不用逃

五言絕句

候吳植不至

相期林下宿呼童掃蒼苔蒼苔看又合美人殊不來
題分宜縣橋

雲從溪北生雨過溪南響溪上策笠翁倚闌看水長

日午

日午芳園歸欣然問主婦甕頭酒如何杏花開滿樹

茅屋

茅屋南山下細雨桃花謝清晨起梳頭鄰家作春社

謾興

春寒閉春閣酒醒春衫薄春去積春愁杏花雨中落

八月二十四日

鵲聲喧曉庭掃門獨延佇誤喜故人來竹籬隨腐鼠

春日過山家

簾外燕交飛天涯人未歸大兒新上學白紵自裁衣

重到山家

細雨長茶芽東風吹柳花行人今日到先自補窓紗

山翁勸酒

山翁勸我酒共指池上柳昨日東家春今日西家有

題龍旗墨梅

孤標開墨沼勁氣入霜毫謝庭春色好玉樹兩相高

二月十七夜夢為人作墨蘭

石欄瞰虛碧滿院蘭花開攬衣起結佩匡坐待君來

吳姬別思

霜月五更殘如何去又還誤簪釵鳳小落在枕屏間

讀史四首

六國中溪機三山使未歸輜輳車上夢受用鮑魚肥
險語迫飛霆將軍驚落著明朝賣履人淚灑西陵樹
將軍方跋扈幾人願執鞭啼粧曉相對却為秦宮妍
恂恂謝玄微侃侃宋竇儀承家與謀國不競真吾師

宿鰲溪

投宿南山中驚魂帶餘怖忽聞鞀鼓聲夜壑松風度

大洲曉發

日高啼鳥散江轉斷雲遮向客說殘夢昨霄曾到家

七言絕句

題春江送別圖

君上孤舟妾上楼望中烟雨意中愁江波若會離情
苦一夜東風水倒流

八月初三夜對月

蛾眉斜剪銀光薄搗碎玄霜不成藥瓊樓夜鎖秋沉
沉一枕天風桂花落

四時詞春

暖雲飛撲玉驄歸簾捲香風酒力微夜坐久憐明月
好細鋪花影綉羅衣

夏

日射嫣紅安石榴波涵空翠木蘭舟美人調笑渡江

去半榻柳風暮不收

秋

鶴認琪花欲下遲
蓬萊仙客遣催詩
情淡寫到相思
處秋露芙蓉開滿池

冬

疎林晴旭散啼鴉
高閣朱簾窳地
渡為問王孫歸也
未玉梅開到北枝花

訪龍長史不遇

鸚鵡窓深鎖翠寒
松花不掃紫苔乾
自將名姓題脩
竹延桂樓前第五竿

樹斷雲裏雨入前村

和宋五見寄

苦辭樽酒不同傾
流水浮萍漫有情
今日江南望江北
綠陰如雨鶉鳩鳴

尋人不遇

早望雲林意欲傾
獨回江路鳥空鳴
山童去後始知悔
追客橋西問姓名

題扇二首

柳樹晴虹隱畫橋
藕花微雨過歸橈
波光倒蘸紅樓影
照見佳人弄玉簫

茅亭一箇竹編籬水鳥教聲風滿池吹白荷香微醉
醒雪羅小扇坐題詩

春夜

香霧滿簾風不到花陰鋪地月斜明春寒策策春宵
短又聽鄰鷄第一聲

題訪戴圖

雪月樽前足笑歌到門何事不相過情知離合皆天
意只恐重來白髮多

空春贈別

微茫煙浪浦帆開一曲琵琶泪滿腮江水不如潮水

好送人東去渡西來

辛卯聞徐州警報

塞河詔下選丁男明日彭城野戰酣愁殺翰林歐學
士白頭騎馬望江南

題廬陵義士羅明遠傳後

淮海風迴戰血腥青原不改舊時青中朝將士論功
賞讓與江南一白丁

題分空縣樓二首

十一月初八日楚金敗績余被拘於分空因
有此詩冠中有談劉沔陽之事甚悉且亦以

為口實

撲邀官曹論是非不知把釣老漁磯
沔陽太守文章伯賣卜城南竟不歸

獨宿江城夢故園一襟塵土滿啼痕
老親不想癡兒在剪紙應招客路魂

題梁使君太洲營

畫船撾鼓大江中兩岸旌旂獵曉風
一點鴛鴦雲外落將軍初試賜來弓

怨別

病起銀屏滿藥塵夜窓愁絕月窺人
寒燈不作雙花

喜羅帕啼痕點點勻

獨行山中

七步潛行五步回路通溪曲滿蒿萊
青袍白馬誰家子又向松陰喝道來

宿桐江野人家

松明火盡掩柴扃月影踈踈透短檠
一枕秋風涼夜好可憐獨向客中聽

城望

鼓角城頭落照懸客愁愁似五年前
遙憐小弟携家遠一點飛雲望眼穿

發家信

寒硯敲冰帶淚磨故園消息近如何老妻不信愁溪
淺歸日應憐白髮多

二月十三日

花陰轉午鵲聲喧忽憶庭闈捧壽樽亂後附書曾到
否也應賒酒共溫存

春夜

路入故園知幾程小樓簾捲月斜明夢中不記遭兵
火猶在海棠花下行

青梅詞

青青梅子故園春嚼破微酸帶淺顰誰信梢頭如豆
小意中消息久懷仁

章臺怨

柳繞章臺萬縷金春風送別最傷心如今莫問長條
盡并與章臺無處尋

清明日過羅伯英別業

梨花滿院讀書聲竹馬兒童自送迎共說東風吹雨
散山翁今日作清明

訪羅仁達不過留題樓壁二首

一迳松風導入山老懷願托白雲間白雲飛去他山

宿日暮雨來愁倚闌
翠壓山樓積雨餘
花間酒暖煮溪魚
提壺勸酒且須
飲頭白如今少著書

和宋五別後見寄

誤將鸚鵡教詩成
每到人來喚姓名
從以西園蹤跡
少萬絲煙柳鎖春晴

寄贈龍興諸寓公四首

舊著群書費苦尋
雲山回首負初心
歸舟重到臨江
驛玉筍山前芳草淡
抽毫史館會鳴珂
老去光陰又幾何
蘇武不緣持節

苦胡姬哺子愧人多

孺子祠前湖水東
幾回清夜夢吳公
白雲何事他山
去不管長封紫極宮

落日凭樓滿眼愁
征帆無數下江州
憑誰為訪淵明
宅細采秋英薦李侯

二月十七日有感

花匝踈篁水遶門
幾回扶月醉西園
青燈昨夜挑殘
雨空認春衫舊補痕

偶興

高柳著花懸紫烟
歸舟離恨滿晴川
六年杜牧傷遲

暮况復如今二十年

清畫

雀翻翠篠接飛虫
雨定游絲褪落紅
漸老心情添懶
慢題詩多在綠陰中

感春二絕時館人在獄

萋萋芳草舊亭臺
燕子啣愁逐處來
春酒甕頭今日

熟桃花一樹雨中開

干謁傷懷去路窮
鯨飛蛟舞楚江風
家書寫到平安
字始信吾師塞上翁

涼夜

竹外涼風留晚坐
驚斷蛩聲山葉隨
天河何處是雙
星新月纖纖碧雲破

重題石洞

不笑歸程弄去程
茫茫世事自傷情
小樓昨夜不成
寐飽聽松風與水聲

同周雪江題劉氏貞女詩卷

百年節義伏賢豪
一死番憐女子高
不敢長歌題卷
上轉喉恐犯舊官曹

洞口人家

松樹迴環四五家
機梭長日響咿啞
西風畏得臙脂

色偏與籬東木槿花

和周子諒見寄二首

白露斜飛秋滿堂
微寒先結鬢邊霜
可憐枯折山園竹
猶自虛心待鳳凰
江上晴波動碧虛
柳汀花塢抱村居
男兒不佩黃金印
罷釣歸來只讀書

秋浦晚歸

芙蓉開後涉波頻
落日迴舟獨愴神
鷗鳥幾回相見熟
故穿菱葉避歸人

對月寄友人

相逢之處月嬋娟
願托襟期共百年
諸盡人間離別苦
始知月自不長圓

重經旅館

交情如漆摠難憑
往事尋思白髮增
門掩蠅蛸塵滿壁
向來曾頓讀書燈

小樓

夢飛不到越溪頭
空想鴛鴦戲彩舟
昨夜小樓清似水
雨聲添足十分愁

春暮飲田家

牡丹芍藥委蒼苔
風挾餘香去復來
二十四番都過

盡一樽獨對菜花開

四月十五夜對月感舊

早年蹤跡水萍浮
垂老漂流未得休
今夕人情今夕
酒舊時月色舊時愁

妾薄命

孤鸞窺鏡剪情緣
淚血沾襟十五年
誰信舊時歌舞
伴相逢
猶自妬嬋娟

四月十五日江上獨行因思去兩年憂患之日

感恨次舊韻

投石滄浪竟不浮
雲林自合早歸休
漁舟點點前江

去載盡斜陽不載愁

六月二十九日觀雨

青山山下是吾廬
六月丘園草盡枯
憑仗西風吹雨
去官田今歲又添租

題墨菊

老圃風霜許見親
緣誰盡改舊精神
淵明不為陳玄
在怨殺元規扇外塵

收邊季德書

門外蓬蒿一丈餘
病貧無恠故人疎
午窓獨領松風
坐細讀邊郎寄遠書

醉後重題西雲亭

剪茅蓋屋竹編籬
淺白溪黃萬菊枝
雲氣不煩將雨
至西雲老子政題詩

題丁與善梅花圖

騎驢灞橋烏帽側
千里相思玉堂客
夜窓酒醒月窺
人一掬精神炯如雪

題王楚善梅二首

百年孤幹長苔衣
數點寒花映竹扉
昨夜東風消息
到主人扶醉月中歸

江雲欲雪角聲哀
冷蕊商量未開
記得玉堂揮彩

筆萬花晴昊照溪盃

題龍旗梅

硯水敲碎碧雲殘
蜂蝶無飛花意閒
記得共尋林處
士娛寒清曉到孤山

桃花塢

蝶飛蜂遠野桃花香散
墻西賣酒家
漁棹誤隨流水
遠一庭紅雨夕陽斜

題鄒自春石屏巫山圖

一片屏開十二峯
陽臺去路有無中
午窓香霧籠寒
玉猶似行雲到楚宮

和金守正題墨蒲萄

馬乳垂垂白露溥瘦藤斜舞月光寒涼州萬斛尋常
醉回首西風紙上看

題鍾馗

老臣骨朽戀君王白眼孤瞠虛耗忙不惜錦裯免睡
暖誰人更問綉香囊

晚秋過丁勗

竹外涓涓流水長讀書聲歇閉山房西園蜂蝶東園
去黃菊數枝高出墻

題羅秀賓瑞粟圖

粟分五穗效禎祥不敢移根獻廟堂聖主得賢為上
瑞畫圖聊付子孫藏

壬子正月雪中自泛姪九畹家歸

擔簦山路挾餘醒急霰琮琤遠送迎絕勝泛舟湖上
月琵琶一曲雜秦箏

春日

花氣熏晴春晝長一池水影舞回廊好風賺得松醪
熟開遍數枝山海棠

寄鄒自春

樓間美酒滿銀壺樓外好山開畫圖上學郎君書早

讀丁寧汲水灌菖蒲

閏十一月朔日山路見梅

蓓蕾微傳春信真幾回夢想玉精神不知月落參橫
處猶有孤眠惆悵人

乙巳年余避地彭老家還再過之倏爾十年而
人改物換可感者多矣因賦

舊題塵暗小樓間花鳥庭空白日閒鳥自不鳴花自
落客愁何得不相關

贈別

醉挽征衫折柳枝柳花飛處不勝悲東風過後西風

起待得青條又幾時

閨怨

粧臺塵暗鎖愁眉瘦倚東風似柳枝又恐侍兒催問
藥只言蚕早葉歸遲

春夜飲

蠟光紅射酒盃霞夜久窓虛月透紗詩筆醉拈如有
助暖風吹動瑞香花

道逢陳玉章

山色川光作雨晴花陰滿地轉黃鶯去年酒伴今何
在邂逅陳郎笑獨行

江望

盡把離愁種驛亭春風吹入草青青傷心為問行舟
客東過清江停不停

三月初五日偶題

嬌鳥籠中曬綠衣雄鳴高樹不思歸去年寒食今年
夢曾向西樓共學飛

山家少憩

松下蒼苔掃復生籠中嬌鳥寂無聲東風幾度傳花
信偏遇春陰不遇晴

題李次晦鄒瘍醫詩卷

颯颯秋風落葉深輓轡寒甃帶哀音李侯瘡癰君能
療老我柴門獨奉心

春日憶蕭韶二首

雲歸長宿北山頭誤逐東風過小樓帶得舊時蕉葉
雨數聲敲碎客中愁
飛飛燕子楚天涯華屋春穠不似家遙想日長吟思
苦獨看紅杏落殘花

寄遠

萬點飛花風外過紅埋泥土白隨波間愁散與傷春
客君在江南想獨多

感事二首

雨過汀沙失舊痕春寒鸚鵡悶無言
楊花春水成萍葉蹤跡猶難到故園

依稀舊館綠楊舟不見群鷗見水流
白髮青燈孤負盡至今猶自替人愁

上巳日與周公明經蕭韶讀書處

四海交游老盡非如君年少又相違
申明亭下烟花暝惟有泉流送客歸

春日過山家題羅帕

冰絲縷縷繫深恩青鳥飛來每斲魂
留得薔薇香易

滅只從燈下認啼痕

無題

遊絲風暖貼飛花窈窕簫聲隔彩霞
畢竟神仙難換骨自分丹火煮胡麻

有感寄宋五二首

春夜清濃夢覺空爛柯不省遇仙童
人間翻手恩成怨無恠襄王憶夢中

盡樓烟暖杏花晴羅綺春嬌按玉笙
水調未成翻越調枉勞書信問鶯鶯

和蕭伯章春夜倚樓

雲度松梢月半陰。懸崖倒掛白猿吟。倚樓數遍傷心事。風雨故園春草深。

寄歐陽文周

芳草春烟鎖故廬。泊舟南浦近何如。客囊共訴黃金盡。欲問平安但寄書。

題石壁

石壁題詩刻翠苔。感時傷別壯心摧。沈園記得前生到。酒散花陰月滿臺。

六言絕句

題掀蓬圖

疎蕊淡籠斜月橫。梢低照寒流。清意是誰領。畧除非訪戴王猷。

候吳植立不至

捲簾春睡初。足上馬午陰。半斜人別斷。烟疎柳鳥啼。殘雨落花

詞

摸魚兒調和彭中和雙頭菊

壓秋香並肩如舞。情緣天似相許。結根自是孤高者。何乃含嬌凝竚。似秦女乘鸞。仙袂凌風舉。精神清楚。便帶縮重金環。重疊勝心事。自相語。情淺處。此事

人間最苦多少蝶來蜂去蘊婆莖命同生死尚恐翻
雲覆雨休折與美太液芙蓉不到人間覩傷今懷古
想墻裏笑聲西流水紅葉謔題句

銘

席門銘

剪結編茅高揭為門獨當一面出入道存雖樞機之
不密而經緯之有倫雖闔闢之不時而卷舒之由人
隔風埃其書靜敵冰雪而春溫吾常感甕牖敞蓬軒
擊土鼓斟窪樽對老親而起舞振百結之懸鶉亦不
知玉堂之為貴綉闥之足云也百年逆旅睥睨乾坤
忽長者之過我遂一笑而忘言

經明考辨

明倫彙編

禮記





